

**PRAVILNIK O IZMJENI
POSTOJEĆIH STUDIJSKIH PROGRAMA I NASTAVNIH PLANOVA
NA UNIVERZITETU SARAJEVO SCHOOL OF SCIENCE AND TECHNOLOGY**

Sarajevo, septembar 2020. godine

Na osnovu člana 130. a u vezi sa članom 31. stav (7) Zakona o visokom obrazovanju („Službene novine Kantona Sarajevo“, 33/17, 35/20, 40/20) i člana 37. tačka b) Statuta Univerziteta SSST, Senat Univerziteta Sarajevo School of Science and Technology na redovnoj sjednici održanoj 18.09.2020. godine, donio je

**PRAVILNIK O IZMJENI
POSTOJEĆIH STUDIJSKIH PROGRAMA I NASTAVNIH PLANOVA
NA UNIVERZITETU SARAJEVO SCHOOL OF SCIENCE AND TECHNOLOGY**

Član 1.

(Opće odredbe)

Pravilnikom o izmjeni postojećih studijskih programa i nastavnih planova na Univerzitetu Sarajevo School of Science and Technology (u daljem tekstu: Pravilnik) uređuje se postupak izmjene postojećih studijskih programa i nastavnih planova organizacionih jedinica Univerziteta Sarajevo School of Science and Technology (u daljem tekstu: Univerzitet), te procedura predlaganja novih studijskih programa.

Član 2.

(Inicijativa za izmjene i dopune)

Inicijativu za izmjenu postojećeg studijskog programa ili nastavnog plana može pokrenuti nastavno-naučno vijeće organizacione jedinice, kao i stručna i akademska tijela Univerziteta.

Član 3.

(Postupak predlaganja izmjena postojećeg studijskog programa i nastavnog plana)

- (1) Prijedlog izmjene studijskog programa ili nastavnog plana podnosi se Nastavno-naučnom vijeću organizacione jedinice.
- (2) Prijedlog mora sadržavati:
 - a) obrazloženje potrebe za izmjenama
 - b) uporednu tabelu trenutnog i predloženog programa
 - c) stručnu analizu efekata izmjena na kvalitetu obrazovanja
 - d) mišljenje zainteresovanih strana (nastavnika, studenata, privrednih subjekata).

- (3) Nakon usvajanja prijedloga izmjene studijskog programa ili nastavnog plana na nivou organizacione jedinice, zahtjev za izmjenu studijskog programa ili nastavnog plana se dostavlja Senatu Univerziteta na razmatranje i odobrenje.

Član 4.

(Obavezna dokumentacija za podnošenje zahtjeva za izmjenu studijskog programa i nastavnog plana)

- 1) Uz prijedlog za izmjenu studijskog programa ili nastavnog plana organizacione jedinice dostavlja se:
 - a) zvaničan zahtjev organizacione jedinice
 - b) analiza postojećeg programa i prijedlog izmjena
 - c) mišljenje Komisije za osiguranje kvaliteta organizacione jedinice o usklađenosti predloženih izmjena sa standardima i smjernicama za osiguranje kvaliteta u evropskom prostoru obrazovanja, kao i pravilnicima o ishodima učenja organizacione jedinice.

Član 5.

(Odluka Senata o izmjenama i novim programima)

- (1) Senat Univerziteta donosi odluku o prihvatanju ili odbijanju predloženih izmjena i novih programa.
- (2) Odluka se donosi na osnovu analize dostavljene dokumentacije i mišljenja stručnih tijela Univerziteta.
- (3) Odluka Senata je konačna i obavezujuća za sve organizacione jedinice Univerziteta.

Član 6.

(Praćenje i evaluacija studijskih programa)

- (1) Svaki studijski program podliježe redovnoj evaluaciji najmanje jednom u pet godina.
- (2) Evaluacija se vrši putem internih i eksternih stručnih komisija.
- (3) Na osnovu rezultata evaluacije mogu se predložiti izmjene programa radi poboljšanja kvaliteta obrazovanja.

Član 7.

(Izmjene i dopune Pravilnika)

Izmjene i dopune Pravilnika se vrše na način i u postupku koji je predviđen za donošenje pravilnika.

Član 8.

(Završne odredbe)

- (1) Ovaj Pravilnik stupa na snagu danom usvajanja na Senatu Univerziteta.
- (2) Sve organizacione jedinice Univerziteta dužne su postupati u skladu s odredbama ovog Pravilnika.

Član 9.

(Stupanje na snagu)

Ovaj Pravilnik stupa na snagu danom donošenja i bit će objavljen na internet stranici Univerziteta.

Broj: S_025/20

Sarajevo, 18.09.2020. godine



Predsjedavajući Senata

Vjekoslav Domljan

Prof.dr.Vjekoslav Domljan